

SMAC:

Den bon ambiente a tene ultimo reunion cu partnernan pa e temporada di carnaval 62

Riba diamars 16 di februari SMAC a tene su ultimo reunion cu tur partnernan di e temporada di Carnaval 62.

Den un ambiente ameno y positivo cada representante di Departamento por a trece nan punto di bista dilanti riba Carnaval 62, entre otro evaluacion di comunicacion entre departamentonan y SMAC, experiencia riba caminda y conseho pa mehoracion y of cambio.

For di principio di su maneho di Carnaval, SMAC a mira e importancia di comunicacion continuo cu tur esnan cu ta forma parti di e aspecto organisatorio di Aruba su Carnaval, por bisa cu dos aña despues ta sinti un union y sentido comun pa cu e resultadonan exitoso di e Fiesta mas grandi di nos Pais.

SMAC a tuma nota di tur



puntonan cu a ser treci dilanti y sigur lo hiba esakinan den directiva di SMAC pa evalua.

SMAC kier a haci uzo di e oportunidad aki pa un bes mas manda su palabranan di

gradicimento pa cada departamento y su representantenan pa nan sosten, conseho

y positivismo durante full e temporada.

Danki na DOW, Serlimar, Imsan, Cruz Cora, Cuerpo di Bombero, DTI y Departamento di Salud Publico. Un gradicimento special pa e Team di KPA di distrito di San Nicolas pa tur nan cooperacion y bon comunicacion semper. Aunke cu no por tabata presente den e ultimo reunion kier manda un danki tambe na Sra. Gordon, Sr. Soemers, Sr. De Mey, Sr. Lacle y Sra. Rasmijn di KPA. SMAC ta desea di mira e mesun cooperacion di tur partnernan ora cu nan wordo yama pa cu e proximo temporada di Carnaval 63. Presidente saliente Sr. Randy Thiel ta desea tur hende exito desde awor pa cu e proximo temporada. Sigur di e manera aki, trahando hunto por yega na duna Aruba e Carnaval grandioso cu e merece.